

Headline	TNB jamin lebih padu musim depan		
MediaTitle	Sinar Harian	Language	Malay
Date	11 Mar 2024	Readership	420,000
Circulation	140,000	Page No	38,40
Section	Sukan	Journalist	Zuraimee Zainal
ArticleSize	806 cm ²		
PR Value	RM 51,261		



1 FEBRUARY - 9 MARCH 2024

TNB CIPTA SEJARAH TREBLE

38

■ Tenaga Nasional Berhad (TNB) melengkapkan musim 2024 dengan bergaya apabila memenangi kejuaraan ketiga selepas menewaskan juara bertahan, Terengganu Hockey Team (THT) 4-2 dalam final Piala TNB di Stadium Hoki Nasional Bukit Jalil pada malam Sabtu.

■ Kejayaan skuad bimbingan Nor Saiful Zaini Nasiruddin itu membolehkan TNB melakar sejarah merangkul gelaran treble buat kali pertama selepas muncul juara Piala Sumbangsih dan mengungguli saingan Liga Hoki Malaysia musim ini.

Headline	TNB jamin lebih padu musim depan		
MediaTitle	Sinar Harian	Language	Malay
Date	11 Mar 2024	Readership	420,000
Circulation	140,000	Page No	38,40
Section	Sukan	Journalist	Zuraimee Zainal
ArticleSize	806 cm ²		
PR Value	RM 51,261		

TNB jamin lebih padu musim depan

Oleh ZURAIMEE ZAINAL

Pengendali Tenaga Nasional Berhad (TNB), Nor Saiful Zaini Nasiruddin memberi jaminan memastikan anak-anak buahnya tampil lebih baik musim depan selepas melalui tiga kempeta Liga Hoki Malaysia (MHL) 2024 dengan kejuaraan treble.

Malah, bekas pemain *The Speedy Tigers* itu mengakui kejayaan merangkul trofi Sumbangsih, Piala MHL dan Piala TNB menuntut persediaan lebih mantap.

"Ya, satu kejuaraan treble pertama bagus untuk motivasi pemain-pemain TNB selepas mengakhiri saingan musim ini dengan cemerlang."

"Kami tidak sabar untuk menyediakan sebuah pasukan yang lebih mantap tahun depan. "Secara keseluruhan pemain-pemain juga banyak bela-

jar daripada Jong (Jong-hyun) sepanjang saingan musim ini," katanya selepas perlawanan.

TNT dinobatkan juara Piala TNB selepas mewaskan penyandang juara Pasukan Hoki Terengganu (THT) 4-2 dalam perlawanan akhir di Stadium Hoki Nasional Bukit Jalil pada Sabtu.

THT terlebih dahulu membuka jaringan minit kesembilan menerusi Faizal Saari hasil gol padang sebelum Nik Muhamad Aiman Nik Rozemini menyamakan kedudukan minit ke-19.

THT kembali mendahului menerusi gol padang Mohamad Akhmulah Anuar Esook m-21 sebelum Jong-hyun kembali menyamakan kedudukan seminit kemudian menerusi pukulan sudut penalti.

TNT kemudian tampil lebih garang menerusi dua gol, masing-masing dijanakan Mughni Mohamad Kamal pada m-33, diikuti Muhammad Azrai

LIGA HOKI MALAYSIA (MHL) 2024

Piala Sumbangsih: **TNB**
 Piala MHL: **TNB**
 Piala TNB: **TNB**



Pasukan TNB meraikan kejayaan menjuarai Piala TNB di Stadium Hoki Nasional Bukit Jalil pada Sabtu.

Aizad Abu Kamal m-36.

Mengulas lanjut, Nor Saiful Zaini menyifatkan berdepan penyandang juara kendalian Mohd Harfizi Baharom sebagai perlawanan akhir yang sengit.

"Kita ikut pelan yang dibuat dan dalam hoki, perkara biasa apabila ketenggalan tetapi yang bagus pemain-pemain kembali bangkit untuk memenangi perlawanan."

"Satu aksi final yang menarik kerana mereka memberi saingan tetapi TNB bermain lebih baik. Ini kemenangan treble pertama buat TNB," kata Nor Saiful Zaini.